

docriver 文川网  
古籍书城  
入驻商家  
在文川网搜索古籍书城 获取更多电子书

福建府縣志輯

中國地方志集成

民國連城縣志

民國長汀縣志

# 中國地方志集成

福建府縣志輯③⑤

民國長汀縣志

民國連城縣志

上海書店 ● 巴蜀書社 ● 江蘇古籍出版社

連城縣志舊序

宋紹興三年歲癸丑析長汀之蓮城堡及古田鄉六圍里置蓮城縣文獻通考宋史清一統志並同府志汀州府下稱三年連城縣下稱六年當誤元至正六年改蓮為連至明嘉靖三十五年丙辰陶令文淵以立縣以來未經輯志得前任金令榜彙輯志稿若干卷采纂成書是為纂輯縣志之始距置縣時已四百二十有四年矣又聞七十年為天啟五年乙丑張令大觀以志殘陋進博士弟子共修之迄丁卯而告成是為修縣志之始越丁卯又十二年為崇禎十二年己卯陶

連城縣志

卷首

今文彥再修清順治四年丁亥燬於火至康熙五年丙午杜令士晉舉而修之距崇禎己卯為三十七年又八十五年為乾隆十六年辛未徐令尚忠聘寧都李太史龍官同修此後遂無聞焉至於今又百七十年矣舊序之可考者次而存之亦蒐乘者之所有事也民國五年丙辰記甲寅初夏承乏是邑喜地僻訟簡然前此多缺官廢事雖錢穀簿冊稍年遠者輒淪缺無稽六房司典吏止三四人兼領之多或不能終其役且安其身也官遷轉者什不一二官吏視為傳舍孰與圖成政垂法也哉立縣以來未經

輯志上司移文訪取因奉而詠詢士夫世家耆舊父老各

取記載用備采集庠生黃朝陽選曰前令金諱榜者嘗究心於志彙稿將半值以事去稿漫逸陽得而藏諸笥者若干篇請輯而成之自是有緒可尋披集纂錄逾年而就道會朝觀又明年夏復任乃舉而行之竊惟連城土多亢燥硤瘠不堪耕植俗雖儉不阜於財民多僮不闕於禮田賦不過七千石計田不過一萬四千頃歲收計丁口不足以給半載余質特昧不克敷宣治理乃勉馬託之於志俾後之人憂勤於是按城社以思守焉覈賦額民數以思養焉

連城縣志

卷首

訪習俗以思教焉修貢賦以思敬焉稽祀典以思正焉則又余之惓惓者也崑山陶文淵定齋撰邑有志徒志邑乎哉所以備省郡二志之文獻擷蒐而傳為當時後代信志也邑志信則那省二志皆信省郡二志可以徵信則士大夫之家乘不得志誣以亂真朝廷鉅公之正史不至傳訛以貽誚至於山川之靈變城池之勦修利害之因革風土之淳薄人才之盛衰戶口之多寡賦役之增損與夫文章詞賦之華人物是非之林苟有繫於政治無不載其公且覈足信也吏於其上者一闕卷而臚列

docsriver 文川网  
入驻商家 古籍书城

在文川网搜索古籍书城 获取更多电子书

可攷鏡政事修明風俗厚美恒必由焉而天下之治因之矣夫合天下之家國革而為會城分而為列郡其信史信志重而可徵者必自菟邑志始邑之有志願可輕乎哉不佞款啟固陋生於西南漢天末去闕幾萬里鄉先後輩鮮宦游閩中者筮仕而令連城問政問俗無由也連城僻在汀一隅居萬山深峒中而與江之虔粵之潮界寇盜所出入之區獨去海稍遠入明以來患於流寇者四矣既履任見其風習樸愿閭閻困清徭賦覈倉廩簡獄控練土戍修被塘禮紳大夫問俗焉進博士弟子問道焉以為道明

連城縣志

卷首

三

而優美庶幾政舉而刑清迺其時異於昔矣則又遠而求之志古猶今今猶古也或可沿紀載摹前修而損益調劑以為治諸博士弟子出其近所修志稿以進曰是前志之傳信不改於今者也是以今志之增修改竄而務覈訂正潤色乎前志者也連邑藁爾僻遠文獻可徵也不佞有所藉手矣夫天下之耳目惟近者可信而近者最不可信則何也以意易耳以耳目耳目一易故雖近而信不易也天下士之議論惟獨者可憑而獨者最不可憑則何也以獨見獨聞闕議論以獨耳獨目闕聞見議論有闕故雖獨

而信又不易也夫志也者耳目議論之叢也今夫山川土田有目者所共親有耳者所共聞然而有利在變易者且妄更置焉竊以入於志伏異日不可信之端而况其他者連城惟僻且遠也則不至是文明鬱萃心志未變耳目合一議論和同則信之物也政夫而求之文禮夫而求之野其必在茲志也乎他日有郡二志且藉是信而傳焉寧獨不佞治一邑政教賴之溟浪張大觀撰

今寓內郡國志率數十年而一修何也沿革廢置是非得失學士能議故者能言也過此則無徵而不信噫此連城

連城縣志

卷首

四

志所由修也雖然新志傳則舊志廢茲志也不當難且慎乎哉不佞嘗閱江志矣江之鄱陽志載湖田幾千畝歲苦陽侯而修志續載云僅有明慈剛斷來官茲土為民請命當以九百餘米糶派山田夫湖江人也山亦江人也糶此以與彼然且增入志中遂致山湖人數年爭謀曾再力請清丈而謗議忽騰吏請已及矣不佞又嘗閱粵志矣粵之省志博瞻精覈其華藻可以不朽而其發揚昭聞亦可以不磨及觀名宦鄉賢志簡而不苛覈而不濫世所稱楊貞復先生歿二十餘年鄉賢未及叩之則評隲未定也可畏

哉至夫沙田數萬頃爭者盈几素而無敢變亂飛詭竄入賦役籍中其嚴如此然後知粵省志之不朽而不磨者其郡邑志皆可藉以為信也今閩通志纂修十餘年而未成書往者黃文簡先生修吾溫陵志時則令林大司徒何蘇二少徒載筆而專其議豈不亦一代宗工鉅匠聚於一時乎哉志成而文簡先生有遺憾焉則何以故然則省志之未可成無亦諸郡邑志多如文簡所憾者而未敢據以為信與夫數十年之政教風俗數十年之信志出焉數十年之郡國志則數十年後為政者之憲章也上有政教下有

連城縣志

卷首

五

序張

風俗前有典型後有治化志也所以信今世詔來茲也若不能信於今後人孰能信之哉連城之難且慎也修其信而已噫嘻斯道絕續在乎其人斯文明晦在乎其時斯世治理在乎其上志不可以為政而游神於志必可以為政此又修志者之盛心也溫陵楊瞿峴撰序張志

連志輯於先令陶公迄今將百年天啟乙丑冬邑侯張公來知縣事適朝命修神廟寶錄檄採各郡邑乘侯以舊志簡陋遂捐俸徵集諸名流旦夕纂輯浹歲稿成孟潛備員條法切與訂正固是紀其歲月附諸簡末主簿何孟潛撰

余以甲戌奉命宰連接搢紳子衿與諸父老恂雅簡樸心竊喜曰是殆經文公所化者也披覽邑乘生齒繁殖人文興蔚余歎所載與所見無以異也未幾郡守唐侯纂修府志檄召屬縣採輯按連志創自嘉靖丙辰前令陶公大端雖具簡畧尚多闕天啟丁卯余同里詣臺張公來令適修纂神宗寶錄因志殘絕慨然與舉微名流襄厥事體裁宏正訂考周詳煥乎五都巨觀余復何贊抑思天道十年一變王政三載考成繇丁卯迄今歷一紀矣故舉舊存版籍

連城縣志

卷首

六

序張

後與考廉童君茂成童君應舉茂才林生元陽李生涵謝君家寶黃生兆開謝生錫命沈生期揚補遺增缺釐余一得冀有以成吾友訪臺未竟之志而仰副唐侯採輯之盛心至於沿習代更後有美而必彰端俟將來之知連者滇浪陶文彥撰

志有一統有省有郡有邑志莫小於邑然邑合為郡郡合為省省合為一統一統合而一代之史基是千秋之史基是夫至一代千秋之史俱基是也誰謂邑志小哉蓋邑視天下雖小輿地有災祥建置有廢興產籍有登耗官師有

咸不選舉人物藝文有歲表注往鑒未一與史等非三長  
具史不能修也非三長具志亦不能修誰謂邑志小哉且  
修志責有其才與學與識亦責有其時時和年豐訟獄衰  
息一無水火盜賊之警從容徵文考獻始為快事故連城  
志未可修也寡陋如余既無其長地瘠且偏不通商賈山  
無果木水無魚鹽之利且戊子土寇陷城大肆焚掠逃亡  
徧屋殘喘未蘇連城志未可修也雖然不容已天啟丁卯  
來迄今凡四十年許又經鼎革尚不急為編輯久將湮沒  
而予叨牧茲土又適王師蕩平三島民心摺伏諸上臺亦

連城縣志

卷首

七

續修縣志

復多方安集東鴻漸有家室亦不敢言以無其時自茲故  
仍舊增新勉從賢士大夫後也豈敢曰修亦因特重加補  
葺云爾都門杜士晉撰

連城建邑肇自南宋其為志也初修於嘉靖丙辰繼修於  
天啟丁卯三修於康熙丙午其初則人事荒略蒐羅未遍  
其後則兵戈甫定瘡痍未蘇所謂文不雅馴摺紳先生難  
主之今國家重熙累洽休養百年而高安徐公以明經高  
等出軍連城諸賢豪父老屢以志請公辭不獲適余以內  
艱家居固招余互相商榷凡五月而告成夫天下之事後

起者勝非獨以創始者難為功而繼起者易為力亦以得  
失有所監而是非無可蒙也今一開卷而連城數百年之  
因革數百里之利病森然立於其前如第曰文而已則唐  
書之修廬陵誇其事增而文省而世之論者且有謂其不  
如舊書之華贍者矣寧都李龍官撰 序徐志

連城縣志

卷首

序

入

續修縣志

連城縣志序

宋司馬之編通鑑也以書局自隨劉范為助歷十  
九年而成邈哉昔序弗可及已縣志雖微亦一邑  
之鑑也清康熙初杜令士晉脩邑志猶謂非其昔  
而弗容已焉序視今之昔何如也繼杜志而一脩  
者徐令尚忠此後失脩垂二百年當道光間凌令

連城縣志

卷首

一

四庫全書

光斗欲脩而未果其昔宜可為惜夫弗果脩而去  
也焉序以視今之昔何如也民國五年閩省通  
志局領通例於郡縣知事陳一壘承之開縣志局  
命同人等主其事編不及一二疊經兵革停頓者  
幾二十年二十六年李君雲霄等以徐志書版垂  
危商之縣長王集吾議續脩以表亂民困艱於

夢躊躇焉固君樹流自暹聞之亟匯三千金飲公贊

且馳書敦其速成思深哉毋亦杜侯所謂非其昔  
而弗容已者邪招集同人彫鏤過半典策墳籍湯焉  
盡存而卒弗容已華群力集眾里闈於丁丑仲秋  
迄戊寅冬而竣事俾候成於揚君懷祖禮俗衷誠成  
於童君魁楓地理大事山川名勝雜錄諸篇成於黃

連城縣志

卷首

二

四庫全書

君穎成是皆華大者所助多矣雖然厥名曰脩亦  
草創云爾計論脩飾潤色固未之逮也後有學識之  
君子脩而正之文而行之庶幾哉一邑之典章文獻  
久無失墜斯列余所憐之者也

中華民國二十七年冬至日邑人鄧志流序



連城縣志例言

舊志自陶而張而陶而杜而徐不能盡得而讀之矣然有讀序而知其書者今讀張序與楊序固知其志之精而信也徐志全錄舊序而篇次或倒錯茲順其次擇其有關於志者存之具源流也

李氏作寧化志不欲為一邑之書故謂自覺迂蔓無當簡潔茲之所修在邑言邑求免南山不治之譏而已所傳徐志或猶病焉况事更百七十年中經兵燹文獻不足無所取材故非足徵寧闕毋濫明寶錄也

連城縣志

卷首

楊序張志有言新志俾則舊志廢宜乎其難且慎也今修新志於舊志事類審覈者備載之以存其真其論叙詳明者不敢勦說亦援裴松之注三國志之例連類夾行注寫用資參閱懼遺佚也

福建通志局編訂縣志通例參攷得失損益繁簡頗善折衷先志後傳一本馬班土地政事為志人民為傳以緯候大事繫土地以戶口物產職官藝文屬政事而不必存三部之名則本寧化志而斟酌之者也采錄事蹟以民國紀元五年為限今雖間有殊異要之大關不踰

同文軌也

圖最古始於河洛表則創自龍門蓋名象參錯者非圖弗著事類繁縟者非表莫明也然圖表古自為卷今圖繁卷首表獨各附以從其類便省覽也

方志紀星野繇來舊矣易以經緯晷度自乾隆熱河志始阮氏修通志因之惟善之從古說可存古法亦可弗泥也正經緯度而時節氣候之交與日之出入遲早可推焉重人時也

東漸於海西被於流沙朔南暨登至也及也朔南亦及

連城縣志

卷首

流沙及海也此禹貢九州之四至也於各州之界則畫以山川導山也疏其條列導川也匯其支流星分眉列萬世莫易焉循經緯之軌躅正疆理於方隅辨經界也治亂循環天道亦同於人事漢儒占天文五行仍以人事決之災祥所於大事亦猶顧氏春秋大事表之例也示警畏也

戶口之盈虛物產之豐歉賦稅之輕重度支之贏朒識者於是觀政焉司馬書平準封禪寓辭論於叙記之中陳數知義是在讀者後有述者于焉取法寓風勸也

物產有志非曰多識於鳥獸草木之名也貨惡其棄於地力惡其不出於己也凡厥庶民既富方教人牧之義豈惟其名若夫名物之辨品物之用材物之製是有車家毋夸獵取區本末也

舊志官師署職之官不名於籍名之不存雖有善政將安所附故事功彪卓如劉侯宗宣攝縣之名且泯焉徐志別列署縣姓名附於知縣之下蓋修之者徐侯繼而成之者署令高侯也君子為仕固將行其所學寧以久暫而渝民之於官惟撫字我者愛戴之寧以久暫而異

連城縣志

卷首

三

既攝其職固已官其位矣並存焉可也今表職官於先朝攝縣之有可考者悉補載之重職守也

武備之有術汛員弁分載於建築職官實業之有織造附注於物產茲故從闕避複雜也

道路交通古政葦重邑境公路建設在志局之後成書以前補編交通一門庶無罣漏非越例也識其大也

安上治民莫善於禮化民成俗其必由學無禮無學賊民興矣變之所趨一日千里追原厥故主風化者寧無責耶存其概畧庶後之君子得覽焉慎省括也

史志藝文第存卷目六家七畧實闕厥先累贖連篇義例既乖亦厭蕪雜山縣僻小作述蓋勉蒐錄遺著毋取侈張存乎澤也

傳經之學尚於漢漢書為立儒林傳後世祖之義理之學盛於宋宋史創為道學傳後人譬之學固無分漢宋推其是而已自漢以來從祀廟廡者皆稱先儒也此都先正類多服膺閩洛道南之風猶有存者今概編入列傳尊古誼也

考友有傳昉自詩人張仲考友之言然周官司徒以鄉

連城縣志

卷首

四

三物教萬民二曰六行考友睦姻任卹稱考友未足以賅六行也府志目有鄉行今從其稱先進遺行可風者傳之為鄉人矜式焉義有所因例亦不嫌於糾綜名實也

禮附曲藝于德進事舉言揚之次而孔子謙稱少賤故多能不試故藝則藝能誠不可廢也鄉行之下為藝能傳亦古鄉大夫以德行道藝興賢者能者之義也式古訓也

治民之道德禮尚矣政教其次也政教善斯循吏矣循

史有傳自孟堅始茲編不以親民之吏為限善政善教  
昔之人已名宦之斯亦循吏之爾示不忘也

連城縣志

卷首

五

連城縣志目錄

卷首

舊序 序 例言 目錄 編纂姓名 縣圖

卷一

緯候志

卷二

地理志

卷三

大事志

卷四

山川志

卷五

水利志 附橋梁

卷六

城市志 附里圖鄉集

卷七

建築志

卷八

連城縣志

卷首

一



名勝志

卷九

戶口志

卷十

賦稅志

卷十一

物產志

卷十二

度支志

連城縣志

卷首

二

民國十一年

職官志

卷十四

學校志

卷十五

選舉志

卷十六

交通志

卷十七

禮俗志

卷十八

惠政志

卷十九

祠祀志

卷二十

藝文志

卷二十一

列傳

連城縣志

卷首

三

民國十一年

鄉行列傳上

卷二十三

鄉行列傳下

卷二十四

文苑列傳

卷二十五

獨行列傳

卷二十六

藝能列傳

卷二十七

忠義列傳

卷二十八

循吏列傳

卷二十九

列女傳上

卷三十

列女傳下

連城縣志

卷首

目錄

四

卷首

卷三十一

方外傳

卷三十二

雜錄

附勘誤表

連城縣志編纂姓氏

主修官

縣知事陳一瑩 湖南

總編纂

鄧光瀛 章百

編纂

吳作梅 汝和

沈邦元 朗西

沈步周 辰年

縣長王集吾 瓊州

張維修 梅卿

華汝槐 翠庭

沈步修 希九

連城縣志

卷首

編纂姓氏

卷首

李春融 詩人

謝家鳳 翔九

吳琮 仲瑜

羅拔茹 素征

吳拱辰 次北

童春濤 小萍

童魁楓 近宸

羅鎮澄 先勛

謝宏裕 含生

吳彤棠 子尹

項朝欽 勁齋

張愛棠 夢邨

黃肇河 澗軒

李雲霄 步青

羅在鏞 品笙

黃穎成 佩囊

李齊賢 師張

吳蔭椿 莊卿

楊懷祖 孝業

校對

謝邦良 楚材

謝光臨 耀生

鄧濟民 雨蒼

勝錄

吳禹田

童慶庚 稿船

鄧本渭

繪圖

童源九 曲坡

連城縣志


卷首

編纂姓名

二

繪圖姓名

# 連城縣全圖



連城縣志局重繪九繪 中華民國二十六年  
 附註 本城總度在(英界格林  
 威英天文台)東一百一  
 十六度五十四分緯  
 度在赤道北二  
 十五度三  
 十七分

例	
大城	●
公路	——
山脈	〰〰〰
河溪	~~~~~
村鎮	○
縣署	●
縣城	●
縣界	——
縣署	●

上海華泰印書館代印





秒近值如上 按近代推測日精知地球南北中軸非絕對固定蓋以諸種每日東行宮春分點每歲逆行五十秒一謂之歲差極星距北極度因之微有變愛地軸與緯度自不得不隨而微變矣惟地僻時卒器復不精軍免據氏因二十七年所測志之東一經度指圖約在英格林麻爾東一百一十六度半至一百一十七度十分之間經有東西故日臨有先後而春分點定焉緯有南北故光被有廣狹而晝刻數定焉經緯定而天之高星辰之遠于歲之日至可坐而定求其故也蓋夏至前後日在赤道北北極全被日光半年常晝自北極北緯九十度至北緯二十三度二十

連城縣志 卷一 四

八分即赤道赤道間近極則日被度大其暑長遠極則日被度小其暑短冬至前後日在赤道南南極半年常晝北極則半年常夜自北極至赤道間漸近赤道則晝暑漸長惟春秋分日日行赤道遞為各子午圈之極故同子午間之地日之出入同時晝夜同刻欲明其消長為晝刻表一晝刻表

節氣	晝刻時數	日出時刻	日入時刻
小寒	九三五三〇	八一二一五	五四七五五
大寒	一〇一〇〇	七五九三〇	六〇三〇

立春	一〇二一五〇	七四九五	六一〇五五
雨水	一〇五〇四	七三四五八	六二五二
驚蟄	一一二六三四	七六四三	六四三二七
春分	一二〇〇〇	六六〇〇	七〇〇
清明	一二三四五四	六四二三三	七二七二七
穀雨	一三一七八	六二二二六	七三四三四
立夏	一三五〇三五	六四四三	七五五二七
小滿	一四二二六	五九二七	八一〇三三
芒種	一四四三一八	五三八二一	八一三三九

連城縣志 卷一 四

夏至	一四四九四〇	五三五〇	八二四五〇
小暑	一四四三三八	五三八二一	八二二二九
大暑	一四二二一八	五四九二六	八一〇三四
立秋	一三五三一〇	六三二一五	七五六四五
處暑	一三一七三八	六二二二一	七三八四九
白露	一二三九五〇	六四〇五	七一九五五
秋分	一一二〇〇	六六〇〇	七〇〇
寒露	一一二〇二二	七一九五四	六四〇六
霜降	一〇四八三八	七三五四	六二四瓦

docsriver 文川网  
入驻商家 古籍书城

在文川网搜索古籍书城 获取更多电子书

立冬	一〇、一六三四	七、五二四三	六、八一七
小雪	九、五〇三八	八、四四一	五、五五九
大雪	九、三三三二	八、一三一四	五、四六四六
冬至	九、二八三八	八、一五四一	五、四四一九

日出前與入後由蒙氣之反射有朦朧景象焉日將出與乍入由光線之折射有浮映象焉蒙氣差三十四分即人見有九十度皆表所未計及者各季節之大氣溫度原于日三十四分地距日近時大于距日遠時在北半球冬至後十點其日地距比為零倍九八三二一與一倍零一六七九南半球反是光正射時大于斜射時故近兩極寒近赤道

連城縣志 卷一 地理 五

表二 其有熱帶(由北緯二十三度至南緯二十三度)寒帶(由南緯二十三度至北緯二十三度)溫帶(由北緯二十三度至南緯二十三度)因斜射度小而轉暑至于地心熱及星光輝闊溫度甚微亦以緯度高下為差今由測候所知民國二為溫度

(二)溫度表

時期	最高溫度	最低溫度	平均溫度
一月	八、七〇度	三、〇度	四、九九度
二月	六、六	四、〇	五、〇八六
三月	七、六	三、九	六、八五二

四月	八二	五九	七〇三八
五月	九〇	六四	七四〇〇
六月	九五	七三	八三七五
七月	九四	七四	八二二六
八月	九五	七二	八三八七
九月	九四	七三	七七九八
十月	九二	五三	七二五八
十一月	八四	四六	六二〇〇
十二月	七二	三五	五四四三

連城縣志 卷一 地理 六

大氣溫度與大氣壓力相關大氣壓力大氣分子之重為之重之增減隨地半徑宜以緯度為衡然同一緯度而陸與海較重少壓低則其距地心遠而所載氣層薄也以年變化言大陸氣壓以氣溫之變易夏季溫高氣流盛升故受其影響與之交換氣流如水就下故夏季則冬高而夏低海風趨陸冬則陸風趨海所謂季風也冬高而夏低其差恆不及二公分海面溫度與陸地溫度之平均大氣壓為水銀柱以日變化言波動與溫度異溫度午前四時七六公分最高至午後三四時而達最低轉增至夜午後一時而達第二最高減至翌日午前四時而達第二最低

其差恆不過五公釐同緯各地氣壓以出海高低為差而  
 出海愈高空氣愈疎壓力愈減其變化規律非依比例畧  
 近對數在海面氣壓七六二公釐之同緯地出海高二百  
 八十公尺處氣壓七三七公釐六百公尺處氣壓七一零  
 公釐縣治氣壓曾經十三年夏間實驗得七二公分有奇  
 年平均值當在七三公分左右出海面高當在三百公尺  
 以上大氣溫度亦與大氣溼度相關在攝氏零度大氣每  
 度四公分八四(每公分當我國三分二釐至二十度則能  
 含一七公分一二亦即華氏五十八度大氣每立方公尺  
 約能含水蒸氣一而大氣溼度指絕對溼度即大氣實含  
 因街三兩五錢而大氣溼度指絕對溼度即大氣實含

連城縣志 卷一 地理 七

量得之度則曰相對溼度乃指某處特飽和蒸氣(過滿  
 能含量壓力與實含蒸氣)往來未滿能含成分之比二者  
 別以距離赤道及海洋之遠近為差連城高處蓋山川小  
 易潤候近大陸特遠旱災溼度致測以器械缺乏未遑及  
 之爰以一載所志各月雨量為雨量表三


(三)雨量表

月別	雨量	全年百分比	月別	雨量	全年百分比
一月	七五	四四	二月	二八五	一六七
三月	三一五	一八四	四月	一一〇	七〇
五月	三一五	一八四	六月	九〇	五三


全年	七月	一〇五	八月	一六五
	九月	九〇	十月	六〇
雨量二七〇公釐	十月	四五	十一月	四五
	十二月	二六	全年	二七〇
百分比一〇〇		七月	六二	九七
		八月	一六五	九七
		九月	五三	三五
		十月	二六	二六

雨量稀少為農產艱絀之所由然以緯位地勢寒止霜霰  
 大雪洪水颶風或數十年僅一見以緯候言連城非不可  
 有為也象法之觀民用利焉欽若之命民時授焉月令之  
 修民事秩焉則窺天鑿地庶不為迂遠也夫

附圖



附註：本圖以... (text describing the diagram)



附註：本圖... (text describing the diagram)

連城縣志卷一終

連城縣志 卷一 地理 八

連城縣志卷第二

地理志

易繫辭曰俯以察於地理言察水土山澤自然之象以為地方行政大別也聖人因地制宜於是乎有體國經野之規畫公劉之相陰陽周公之宅土中銜文之景山與京秦文穆之建雍作時自王畿以遠侯國都邑肇造必審四方和會之地以為宅中出治之區而後正其畿疆為之封樹故詩曰我疆我理南東其畝此疆理之從地勢也又曰于疆于理至于南海此疆理之別地界也連城地勢維西北

連城縣志

卷二

地理

而稍伸於東南特僻在山陔非有吳越之膏腴巴蜀之沃衍可資疆理然北界寧清南接巖杭東通沙水西倚臨汀自宋以來未之或易則地界之疆理可稽焉顧時移事易此邑邊屬有畫隸鄰縣者沿襲既久舊志不能舉其地并不議改屬何時或更因別故遙屬他邑地既隔絕俗亦懸殊似宜仍其故封以歸畫一又有糧由邑納稅任鄰漁兵興以來如此類者何比比也夫地理者理一邑之地政也我邑地分六里按志探索名存實失住戶里圖漫不相應况一里而溝分南北一戶而兼隸數圖哉楊炎之定兩稅

戶無主客以見居為籍然則審黃冊魚鱗而畫一之以正疆界而符名實亦審編土地者所有事也

連城本長汀地宋元符時置蓮城堡省府志同惟舊府志以為唐時未知何源紹興三年攝汀尉虞觀請置縣鄧守鄭強祈長汀古四鄉六團里益之即今治元改蓮為連屬汀州路明清因之屬汀州府民國初元廢府制屬閩西道直隸福建省四至入到據徐志西至長汀以野鴉嶺十里為界西南至上杭以桃排塘一百一十里為界西北至長汀以分水鋪四十里為界東至永安以流溪口一百一十里為界南至龍巖以

連城縣志

卷二

二

地理

梅村四九十里為界東南至寧洋以廖天山隘一百三十里為界北至清流以魏張坑四十五里為界東北至清流以李家坪四十五里應作三里為界東西廣一百二十里有奇南北延袤一百三十里周三百六十里以人跡所以開方法計之當得一百一十餘里各志畧同惟府志西南至上杭以一百里磯頭為界東北至清流以上琴坪三十五里為界西北至長汀以四堡六十里為界小有不同然磯頭地屬長汀且距連一百三十里界至道里兩有錯誤李家上琴皆為清轄皆界連城準望稍偏無甚分別分水鋪

屬梨子嶺嶺水所分即長連分界地自應以徐志為長其可疑者則北安五圍闕北四圍不能分別也徐志云舊北圍縣北六十里統圖五茲闕四圍查即今長汀所轄之長坑塘附近諸鄉不知何時改屬長汀圖改而汛兵尚未改今考北四圍地在北安不應舉縣西三十里之長坑為連屬且由牛拐嶺長坑至虎忙嶺深著峻嶺數十里寂無人煙於此設塘實以備不虞護行旅地界長汀汛地於連為近故以屬連志云塘附近諸鄉舊為連屬無論無鄉可屬即果有之而混西於北準詣地望亦未臆合但北四圍確

連城縣志

卷二

三

有其地志既不能指明其地所在與現屬何縣改屬何時良由連城建縣肇宋紹興而最初志意則創於前明嘉靖開闢近五百年里圍之轉移改屬之源委不可得而詳紀也然苟合北鄉及鄰近犬牙相錯諸地精心參究則尚有蛛絲馬跡可尋考清籍盈山以南靈地李家上琴長灌諸鄉尚稱北圍亦名北里與吾北安里圍緊相銜接按之地望實即吾所闕之北圍不然地當清流之南而圍里名稱仍混繫連城之北按諸名實無乃不符府志盈山即老人山在清流北圍里按連城北圍寨設於宋置巡檢一員北里諸鄉宋代當屬北圍寨其改屬清流意者在明成化七年分清流歸上歸

下二里隸歸化時清地太狹故割吾北圍里地以益之抑或元末至正寇亂北里人民懼被株累自附於清明初因而不改書開有開末由證明且北安里界距縣北六十里舊志尚有明文今祇存距上琴之三十五里與魏張坑之四十五里東北一隅所闕實多徐志不明東北之何以闕轉向西界求贏竟云長轄長坑附近地舊屬連以符六十里之數府志明知北安里界當六十里於是舍梨子嶺分水之天然界限而拓至六十里長汀屬之四堡豈知北四圍地方圖雖改隸圍仍舊稱况北圍署址猶存可知宋代設官之初實因此區遼闊毗連姑田非專司不足以資

連城縣志

卷二

四

控制迨四圍盡歸清邑姑北之腰脊中斷山下片而無盾另設專員據舊志參杜志歷年紀洪武四年此又北圍司之設之廢足以旁資證明者也汀屬八邑長為首縣各邑例有貼長連城貼長在河源里屏山外之極南距長汀已二百餘里地皆山僻界雜抗巖谿谷直流漳龍語音懸殊此即直屬連城尚虞隔閡况貼轄長汀越連界二百餘里以為治哉改其地若梨嶺下若馬屋等號稱十三甲大數百人小則數十自貼長汀後祇自安其狂狂榛榛之常讀書識字者視連屬邊遠之區尤

少每歲由汀派吏胥下鄉催收糧稅鄉民老死不見長官且不識縣庭為何地一有獄訟盡根猾吏比而魚肉之展轉侵漁無所控告名為長轄實則夷於番落之上司此無他一則鞭長而其勢莫及一則地隔而未由自通故也原貼長主因因首縣供億較繁境內歲收不足供提注若仰待各邑協濟則細碎已甚且歲出歲入遞有增減不能豫算以為權衡故畫一區稅收歸其自理特所畫區域類多奇零華離之地地既寬遠有其地者亦視為無何有之鄉是不問為長邑之贅疣抑亦等於全汀之甌脫莫非國民

連城縣志

卷二

五

莫非國土顧等之化外不平孰甚今府制已廢各縣直隸行省供億從同何必仍駢拇枝指之名似宜舉各邑貼長仍歸各邑以蘇民困而正封疆况邇來外患內憂四郊環伏深山窮谷國力所不及之地尤易為潛匪之鄉務宜設法聯防以固疆圉庶姦宄無所容此又疆理之一事也連城地處萬山之脊水流二省局勢渙散僅距南數十里差有水陸交通之點邇來寇盜縱橫幸各鄉相為聯防少紓於難然即勉為安集而毗連鄰境各區尚有田被奪收無敢過問者至若疆界之內里圖不同以講承請經數百

年未之或正即如我邑舊分六里在城北安坊四為圖三十有二除北安關一圖外尚存三十一圖最離奇者則上南之席園忽附以下南之表正相距八十里隔越中南強混而同之曰表席不寧惟是表席里內籍南順者有之籍河源者有之問之在城始曰北安亦無不如此又國籍之未經更正者也似宜正其名籍里圖保甲相輔而行曰畝則喪亂以來往往有全戶死亡田界毀滅蛟水衝沒道路割裂者田額既不可知而糧則歲歲遞加積至每兩增六七倍而有餘今當地方財力之窮民力之匱而又據冊

連城縣志

卷二

六

全毀勢不得不許業戶自占而清丈以覈之夫清丈之繁重亦甚矣然與其徵諸官籍之虛文不如按之民田之實畝儻重定魚鱗圖冊計上中下則一體分別升科仍依舊冊參稽正土著編戶主名務使冊書無所無其樂蒙猶無所售其欺庶上下曉然於國家用意所在以蘇民困而不以增多地賦為長吏之考成如明萬曆時張江陵之用心者則良吏得以自效地政可定而地利可興矣按明制以田為主各歸其都國履畝而籍之諸原版墾行下限版沃瘠向之故專其是為經土田之証實焉黃冊則以戶為主田為歸其戶而詳其籍管新收開除實在之數是為緯而賦役從焉其或謂意則子生於清等語定集墾長及考民大

量國其田之方固曲直宜於書其主名與四至編為冊  
 之活源死寄徒寄包納買賣推收虛供英諸至嘉靖乃有  
 履畝丈量之議萬曆六年張居正當國乃實行之相度高  
 下定為上中下三則折為實畝受田之戶分受魚鱗一紙  
 引步畝數令可自稽先下今曰所為均賦者用蘇民瘼非  
 求增稅也於是府州縣無敢不舉行者按官嚴課賦最  
 其清強敏練換字忠愛之吏得以自效而方田諸法今賦  
 應具明人習步算而賦以均而吾連反昔浮糧之累  
 請陳經邦徐侯德政去思碑記曰農夫盡田平賦吾邑賦  
 膠束之膏獨增賦額以千計邑人苦之履控而僅獨其半  
 至是侯力陳於臺司體三四上必悉察乃已所省無慮數  
 百緡閭色煇然若慶更生又陳鳴春李公主祠碑記曰邑  
 最苦浮糧每歲計賦銀錢五百緡民切剝膚之痛去任徐  
 君其苦為上其事當道均派詣邑徐公去屬邑父老開  
 然亦各為其子弟計令君憤然曰有是哉七邑分之猶稱  
 苦連獨奚堪再四請上乃盡蠲之則甚矣長民者之不  
 對以江陵之呼震國家德意猶不足以及吾連浮糧之加  
 經徐李二公竭盡心力數十年後僅免之然則清丈之

連城縣志 卷二 七

無弊亦未易言矣徐公名大化字文明浙之會稽人繼任  
 者專公待問字答孫諱忠定粵之南海人詳本志徇吏傳  
 按舊志地方土田戶口向以六里三十一圖分編省頒  
 地理志例大畧相同惟截至民國五年為止民國二十  
 三年大軍收復閩西重編保甲改六里為六區後又并  
 為三區區分聯保保分甲戶地域仍舊而編制不同茲  
 編沿襲舊志城市里圍鄉集以六里畫分地圖則照新  
 制三區分繪以清眉目

連城縣志卷二終

連城縣志卷第三 大事志 附災祥

國之大事曰戎周公戒成王勿誤庶獄而申之曰其克詰  
 爾戎兵以涉禹之跡誠以建威銷萌以牧民為先非直除  
 戎器戒不虞已也連城為閩西下邑亦有土地亦有封疆  
 舊志災祥附寇盜而詰戎之政闕如則夫防於事前與所  
 以善其後者大有事在建邑以來善敗可鑒也天道人事  
 不大相遠故災祥附焉惟乾隆而後志之失修幾二百年  
 又復迭經喪亂一切考訂典冊散失無遺擬拾遺殘備忘

連城縣志 卷三 六

而已志云乎哉  
 宋高宗紹興三年癸丑初以長汀蓮城堡為蓮城縣宋史地理志  
 按縣治舊為蓮城堡以蓮花華得名堡之足該在北  
 宋哲宗元符時至是虞觀請建縣乃分古田鄉六圍里地  
 以益之  
 五年乙卯縣令丘欽若始築土城三百丈以鄰寇竊故  
 八年戊午縣令劉國瑞始建學舍給官田以贍弟子員徐志  
 十四年甲子詔蠲汀漳泉建四州經賦踐跡賦稅特虔州  
 仁汀州賦華齊連年授賦事  
 犯州縣 見臨汀系考  
 十七年丁卯以盜賊妨農詔令賑粟貸種徐志



十九年己巳詔以汀漳泉三州民田被賊蹂躪其稅徐志  
孝宗淳熙八年辛丑除汀漳民為潮賊蹂躪者賦役據志  
考補是時有汀漳

十一年甲辰令守臣賑粟貸種時不雨至於八月是歲無禾徐志

十三年丙午減汀州鹽價歲萬緡開中上四州官鹽以  
仍扣配則數起為氣又循湖漳鹽近而福鹽遠徐志  
仍應汀人千百為率往販官司遠捕至押拒殺人王師愈  
真德秀嘗言之為減輕鹽價本屬恤民之政猶不足禁私  
販之弊鹽盜終無已時遂絕定開郡守李華申請汀州更  
運湖鹽其弊始革詳賦稅志

連城縣志 卷三 大事 三

十四年戊申大水縣令劉煥請罷綱運例等錢並徐志

理宗紹定三年庚寅寇亂城署盡燬攝縣篆丘鱗率民登  
東田石以避之按冠勇原名東田石元馬周卿始易今名招捕使陳輝擊破寧

化潭飛礮遂諭平遠城七十二寨徐志李世熊寧化志  
捕使陳輝及劉純擊破之復諭降連城七十二寨賊潰頭陀伏誅

按徐志鄉賢丘鱗傳鱗宋嘉定進士調贛州贛縣尉值  
永定寇發郡委署邑篆畫計禦寇率民避難冠勇山招  
捕使陳輝上其功惟署篆事蹟年月皆不詳所云功當  
指禦晏寇事無疑永定永字當是紹字之誤即寧化縣

志諭降降字亦恐有誤蓋永定建邑在明中葉晏寇據  
潭飛礮距永定四五百里於吾邑則甚近寇起寧化隨  
即蔓延邑城城署盡燬鱗率民避難冠勇勢必分令各  
里圍結寨自保若明正統時王令佐之困鄧茂七方能  
全被難之子黎息方張之逆跋以待招捕之師禦寇計  
畫孰有大於此者是以使諭一下七十二寨同時救平  
徐志諭平視寧化志諭降於事實上較合比而觀之鄉  
先正之措施賢長官之經請可以互見 攻南宋鄉兵  
巡社創自建炎有槍仗手弓箭手諸名目各路不同罷

連城縣志 卷三 大事 三

存不一福建路舊有忠義民兵屯結邑民擇素右為長  
量投器甲巡徼盜由是息見通典通攷又有山水寨福  
建計共三十八寨若吾邑之七十二寨不過寇急各自  
收保使野無所掠絕盜資糧大致與忠義民兵相近蓋  
寇起匆猝因時制宜非經常法也

是歲縣令米巨宏復築城署儒學前徐志作經營未訖至是復築  
淳祐十一年辛亥山水暴至漂蕩民居以上見徐志  
帝昀德祐二年丙子元兵入臨安擄帝北去益王昀即位  
福州是為端宗改本年為景炎元年

十月以樞密文天祥同都督師次汀州先是天祥開府南西連參謀趙時實諸議趙孟澤取寧都參贊吳浚取寧都 畢沅續通鑑參宋史本傳

二年丁丑正月元兵下汀閩汀守黃去疾以汀降元天祥漳州通垂珠嶺北望流涕時實孟澤以兵從浚不至尋移軍還汀州與去疾降元致至津說降殺之徐志參本傳

元世祖至元十五年戊寅升汀州為汀州路改蓮城為連城縣隸隸福建行中書省

按元代福建行中書省或置於福州或置於泉州或併入江西或併入江浙如二十九年江西左丞高與言江西福建汀漳等處連年盜起百姓入山以避今次第削

連城縣志

卷三

四

平宜降旨招諭復業而汀州路總管李文慶從高興平爪哇回鎮連城是可證隸於江西也仁宗延祐元年用科舉試士江浙行省舉額二十八人連福建汀漳在內是可證隸於江浙也且二十八年改福建行省為宣慰司二十九年復置行省成宗大德元年改為福建平海行中書省徙治泉州三年罷福建等處行中書省立福建宣慰司都元帥府所謂宣慰司平海行中書省及宣慰司都元帥府視福建行中書省職權廣狹容有不同是以羅天麟陷汀州必命福建元帥府與江浙江西連

兵同討是福建元帥府猶不能專有汀路迨順帝至正十六年江浙江西割據於羣雄於是復置福建行中書省而陳友定藉是以統一八閩未幾而元亦亡矣

十七年庚辰汀漳民廖得勝陳弔眼陳桂龍聚眾劫掠命勒哲圖高興等平之續通鑑

十八年辛巳閏八月以江南民戶分賜諸王貴戚勳臣者諸王六人后妃公主九人勳臣三十六人汀州路六縣分賜帝女囊加真公主凡四萬戶絲二千二百餘斤鈔一千六百餘錠謂之歲賜得自今其臣為連會花赤列置縣尹分隸各路行省王圻續通攷

二十九年壬辰招諭避盜百姓復業並罷鹽課酒稅銀錢

連城縣志

卷三

五

各提舉江西左丞高與言江西福建汀漳諸處連年盜起福建監課酒稅銀錢各立提舉實為尤濫請罷去從之續通鑑

按宋雖積弱猶多恤民之政元則阿哈瑪特桑格盧世榮柄用江南民戶多所朘削此變亂所由不已也

命汀州路總管李文慶回鎮邑城文慶從高興平爪哇帝連盜起統軍回縣鎮守子仲山承襲移武平見徐志按元史百官志至元初諸路置總管府連城屬汀州路為汀屬六縣之一慶因亂回鎮子仲山又因亂移武平是總管雖駐防職隨時可以遷移非限定一縣也前志未詳年月茲附世祖至元

仁宗延祐元年甲寅初用科舉制試士世祖時改行科舉不果皇慶二年議

定至是舉行本年八月鄉試明年二月會試汀州路歸江  
浙行省舉額全有二十八人中額約三分之一順帝元  
元年罷六年復行續通鑑緒通攷同學校科舉  
似於大事無間然鎮撫諸亂道性由此因附識之

恭定帝恭定元年甲子賊圍城李仲德父子死戰卻之  
總管文慶子兄仲山襲職鎮守適武平黎奮亂奉命移鎮  
武平賊眾圍城仲德率丁汝戰其前隊賊來益眾又去  
賊之賊患眾數千圍之重丁百餘陷且盡仲德同四子  
良智良弼良能良明衝突血戰死賊卒悉膽奔散城以  
全詳

順帝至正四年甲申大疫

六年丙戌六月邑人羅天麟陳積萬兵起

按胡元毒痛中國敵怨為德於汀尤甚天麟諸人不顧

連城縣志 卷三 六

利害為民族爭存亡續綱目書兵起從之

續通鑑汀州連城縣民羅天麟陳積萬叛陷長汀縣福  
建元帥府經歷真寶萬戶廉和高等計之九月復汀州  
十月詔赦天下其黨羅得用殺天麟積萬以降餘黨悉  
平府志天麟連城軍士以罪拒捕遂與陳積萬陷縣  
乘勝剽掠六縣皆為殘破江浙行省右丞總都下花合  
江西行省右丞亮魯統兵三路進討九月克復汀州其  
黨羅德用殺二人以降所載互有詳畧

七年丁亥縣尹王成吉重修土城禦寇

十四年甲午大饑人相食

十八年戊戌十一月陳友諒陷汀州路

二十一年辛丑文廟火於紅巾惟大成殿存城池縣治俱

燬 徐志 按城陷於紅巾

府志引舊志云十八年紅巾寇亂陳友定平之元史劉  
福通奉韓山童及天完徐壽輝皆以紅巾為號友諒天  
完將當然為紅巾無疑徐志或稱友諒或稱紅巾名號  
不一而友定平紅巾亦非十八年事改寧化清流縣志  
友定禽曹柳順在二十二年未幾諸寇之據堡寨者悉  
平乃由明溪巡檢陸延平路總管是十八年至二十一  
年為紅巾在汀路肆虐最烈時期迨二十三年友諒大  
敗於鄱陽湖江西湖廣全為吳有友定乃得收復汀邵

連城縣志 卷三 七

諸路兼并漳州至二十六年始完全盡有八閩地元廷  
於是乃由行省參政拜為行省平章 二十四年漳守羅  
參其時江浙行省分崩離析對於全閩則開始統一對  
於江浙則久已畫分 福建改為行中書 證之續通鑑大  
畧相符并志於此 楊湖臨汀東天以友定初從汀判蔡  
又引寧化縣志二十二年禽曹柳順事以為當從府志  
改作十二年且以紅巾未嘗提及汀境正坐誤分友諒  
紅巾為二寇考續通鑑友諒汀州路在十八年徐志  
二十一年邑城文廟火於紅巾其別部又陷邵武圍福  
州陷福寧全閩與無淨土是時汀路兼漳友定區區一  
畝在二十二年後柳順平定乃得一平諸堡寨紅巾之亂

乃以肅清延郡汀打成一氣... 正不得因府志滿去二字改二十二為十二也

二十四年癸卯攝縣尹馬周卿復修縣署儒學及冠豸山

察 徐志 重置重修冠豸山

二十六年乙巳八月以陳友定為福建行省平章政事

任成福所屬連令者輒承制誅竄不絕嘗以私怒殺漳州

守羅良福清室慰使陳瑛孫崇安令孔楮建陽人唐翰拒

不從皆殺然事元未嘗失臣節歲運糧數十萬至大都

招東其 明太祖洪武元年戊申湯和自福州破延平禽友定別將

胡美謝降汀州諸郡 府志汀守陳李文忠討平羣盜閩地

二年己酉十月詔天下府州縣皆立學 邑設教諭一員訓

名給廩膳以禮樂射御書數分教 導一員學額二十

四年辛亥正月詔設科取士連舉三年嗣後三年一舉 邑

六年連舉於鄉 鄧恭陳玉清以四

連北園寨巡檢司於崇儒 北園寨巡檢司原設北安里至

令丁良恭復從朝村呂坊 是始徙城東崇儒坊十八年縣

下南三隘之崇儒阻不知自明以前名朗村不名崇儒張

八年使新泉談政明志各府州縣閩津要害皆設巡檢

其制蓋訪於宋元宋巡檢司掌巡邏緝察之事凡地方遠

連處置巡檢一員復置都巡檢以統之各隨所在聽州縣

連城縣志 卷三 八

守令節制連城北園巡檢置自宋代見舊志不詳歷任人

名氏元代則并無北園巡檢名稱徐志許景輝傳曾檢

紀王成吉馬周卿二人巡檢可知明始連巡檢司於崇儒

未達以前宋元明相為沿襲又可知至所以開闢失紀原

因元則因民族開繁任元者多不紀載宋則因縣志創於

明嘉靖時去宋已數百年文獻無稽故多失紀且北園司

設司之必要迨北園改屬清流轄地已狹故連州都

崇儒而朗村呂坊一帶元季以來為盜賊出沒之區故十

八年又改徙於此嘉靖以後築堡寨於新泉隘故又徙新

泉自是北園司署不復返駐故墟大都因時制宜不能膠

柱鼓鑿也 明續通考兵考巡檢司所屬弓兵於丁糧相

法無引可疑之人皆得捕執官軍禦盜亦與協 囚私鹽犯

七年戊寅縣令劉雍首建學校重修聖殿兩廡 與兵吉初

為表裏宗明享國長久恃 此道也 詳本志學校志

英宗正統十一年丙寅令各村聚置隘門編甲巡徼明紀

葉宗留作亂出注浙江江西福建廣東諸境御史柳華奉

命督兵至福建剿捕令村聚置隘門望樓編民為甲擇

其要為長得自置仗督民巡徼置隘門望樓編民為甲擇

之以保民禦盜也履後承平五十餘載百姓安堵下墨按

柳華時為巡按御史三隘志稱巡捕誤連城凡九隘四

連城縣志 卷三 九

九

年應改從十三年明紀沙縣無人鄧茂七素無賴沙俗  
仙入輸租上三官備兵三百捕之被殺傷幾盡知縣巡檢  
皆避害陷二十餘縣自稱亂沙尤明甚本志城市志據  
之東南強劫據此則茂七亂沙明甚本志城市志據  
臨汀考考云茂七反寧化連陷二十餘縣應如訂正  
豐重修冠考茂七反寧化連陷二十餘縣應如訂正  
壁單修冠考茂七反寧化連陷二十餘縣應如訂正  
始通一道上嶺然平地有泉有國可沃可蔬堪宅萬人固  
天該之險也元至正二十六年福省架開馬公周鄉方公  
虞侯開南北至正二十六年福省架開馬公周鄉方公  
庭邑邑令王公佐鄉官許浩志者民童得慶桑葉茂擄貨  
修葺民賴全生下置徐志浩志者民童得慶桑葉茂擄貨  
鄉官許浩志下置徐志浩志者民童得慶桑葉茂擄貨  
擬以全嶺之四官奉公我等素聞公名不忍害即引去眾  
越地作耗神邑令王公佐鄉官許浩志者民童得慶桑葉茂擄貨

連城縣志 卷三 十一

於崇傳事可保障惟有寨耳吾與汝等共死守之里民如  
或勝時不下忽一日請戰而  
寇潰軍卒賴以全生下置

按葉宗留鄧茂七先後亂出沒數省蹂躪數十縣連  
無城郭邑令王佐率民據險以禦卒保無恙良由御史  
柳華先事布防令民置隘編甲巡徼臨事又得賢長官  
父考調度以故寇不得逞乃以各將帥玩寇故亂久不  
靖歸咎於華被逮仰蕪籍沒其家明政不綱於此可見  
宜乎南北交困不旋踵而有土木之難也臨汀考考類  
沙寇鄧茂七作亂世隆為導引官先領兵千人回汀會  
寧陽後陳懋遠討世隆為導引官先領兵千人回汀會

首領其九蔡四等招集延汀散亡十餘萬人後以事許  
惟資竟沒其功時浙閩盜紛起皆以王根為名誘將  
帥率眾如汀州推官王得仁其一也  
景帝景泰元年庚午令地方官各募民壯始置機兵上木  
始令地方官各募民壯始置機兵上木  
者建議尺臨敵失一軍以上與失機罪同於是設機兵焉  
見寧化志  
憲宗成化二十一年乙巳夏淫雨山水驟溢鄉市民居多  
為所壞屋宇漂流田苗沙壓人畜有溺死者據徐志省志  
化七年  
孝宗弘治二年戊申立簽民壯法明史兵志州縣凡七八

連城縣志 卷三 十一

百里四三百里三百里以上二百里是時該民壯未定  
制至七年乃定其數州縣七百里以上者每百里壯  
二名五百里以上者每三百里壯一名五百里以上  
者五名王折通考與實錄同當為可據府志明洪武初  
立民兵為戶府簡民開武勇以時操練有事用以征戰  
平放還為民正統十四年令本地方官司率以操練天  
年令教馬器械悉從官給弘治二年令取民年二十以  
五十以下年力精壯者充之州縣七八百里者里二  
百一十冬操三名三百里者四名一百里者五名春秋  
一冬對編每名派銀三正德間法廢乃雇值役工食歲  
糧對編每名派銀三正德間法廢乃雇值役工食歲  
工食二項銀兩入錢以充防守每名給工食銀七兩二  
合二項銀兩入錢以充防守每名給工食銀七兩二  
工食二項銀兩入錢以充防守每名給工食銀七兩二  
三年又丁米對編每名派銀七兩二錢充餉四糧六  
銀每名七兩二錢充餉四糧六  
換廬尚編以工食對編每名派銀七兩二錢充餉四糧六  
寧化縣編以工食對編每名派銀七兩二錢充餉四糧六

蘇頌編三百名長汀建武平歸化永定龍溪無以  
例非素之而使民自為也  
民法外立法也無補於世而兵又得之制民兵將以  
補所之難也無補於世而兵又得之制民兵將以  
後股民者而陰自刑終明世而兵又得之制民兵將以  
五年卒亥縣令開鑿重修冠牙寨平溫文俊弄兵民甚恐  
邑侯關鎔以連無鑿城所倚者冠牙寨平溫文俊弄兵民甚恐  
之因南北舊營增新城五十餘丈立於北門關右道  
皇武備敵遠聞之不敢犯於右道石字疑當作石  
武宗正德四年己巳正街市火

七年壬申縣令蔣璣奉檄剿大帽山賊死之贈同知建忠  
惠祠以祀李元豐與璣同救童兒江環李賤生俞世旺人

連城縣志 卷三 大事 十三

抵賊要格關皆通官從祀志意祠願夫武天下郡西利  
病書正德七年正月提督都御史周南集諸道兵夾攻大  
帽山諸寨賊平之時江閩廣三省交界山谷賊首張番  
年四牧鐘聽黃鎮劉隆等聚徒數千流劫鄉村攻陷建寧  
寧化石城萬安諸縣支解平民搜禽官吏借號稱王福建  
鎮巡等官請征之於是都御史周南提督都御史王福建  
密調集兵糧期於正月甲子江西兵從安遠縣入攻破  
地四散皆倉新賊首何積致羅德清黃瑞并其從一千五  
百一十三名廣東兵從程鄉入攻破崇慶四屬大帽山  
大帽山四寨清四寨五寨石寨四寨香爐嶺四寨黃陂四  
寨其從二千一百七十九名福建兵從武平縣入攻破  
穴八寨前曰赤赤赤赤赤赤赤赤赤赤赤赤赤赤赤赤赤  
名計倉新賊首何積致羅德清黃瑞并其從一千五  
劉備率四百十有奇聚眾稱王攻剽城邑延及江西廣東之境

九年甲戌始建邑報城七百七十先吳巡按御史吳一  
踏量基址七百餘丈已經勘結四報上司連轉交代不  
州連城所屬地方北連江西之贛州南接廣東之潮州正  
統年間則有鄧洪七之禍成化年間則有溫文俊之禍正  
德三四年間則有李四之禍視前尤慘色當盜賊出沒之衝  
賊首葉步趨城後有李四之禍視前尤慘色當盜賊出沒之衝

未設城池每當前項寇亂康湖有不言者乞執行巡撫  
等官董孫一城為經久計城池可完於不日民生復保於  
無虞疏奏會事胡應周期雅先從募民倡築命縣  
丞黃鍾岳累石為址重加堅固而誌功焉 徐志

連城縣志 卷三 大事 十三

守仁准任兼官軍練民壯令各處嚴關鎖連城之隘復修  
明年進討大帽山賊禽屠師富會師攻橫水橋岡洲頭諸  
寨羣盜悉平 參  
張鵬翼參梓錄  
十四年己卯縣令吳璣建雄鎮樓于城北  
世宗嘉靖元年壬午地震  
四年乙酉隔川民陳璣等三十一人劉捕土寇楊廷蘭刀  
賊數十援未至死之 徐志  
嘉靖初土寇楊廷蘭劫掠  
村落璣等征捕至陳屋坪邑丞白志

docsriver 文川网  
入驻商家 古籍书城

在文川网搜索古籍书城 获取更多电子书

清糾民兵未至，刀賊數十，縣城火燒其廢，死之縣令吳增為立祠，保川，四義勇。

六年丁亥大水未盡淹

九年庚寅賑饑

十年辛卯夏城圯三十餘丈雷震文廟柱

十二年癸巳九月星殞如雨

二十一年壬寅縣丞楊汝楫賑饑

二十三年甲辰地震秋冬大疫

二十五年丙午火焚養濟院死者三人

二十六年丁未署印主簿王一猷往上杭至伯公灘舟覆

連城縣志

卷三

古

失縣印次年頒復

三十二年癸丑黃竹花宵民采食之 上杭豐頭賊百餘

人劫掠湯頭村

三十四年乙卯夏秋陰雨城圯 募勇六十征倭猝遇杭

州朱仙橋死者二十七人

三十五年丙辰大水城垣衝圯典史潘瑞督修之城濬復

完

三十六年丁巳流賊竄發縣令陶文淵改運營圍等隘該

鄉兵禦之 以上續

四十年辛酉大饑饑餓嚴防守擊卻之 劉祠記云沙寇蕩平後邑無大

攝篆賑饑嚴防守擊卻之 劉祠記云沙寇蕩平後邑無大

月辛酉大饑死者相枕於道連父老起軍門叩請願以劉

侯鎮邑事侯甫至附郭張坊及隔川之眾謀乘機作亂即

諭解散聞倉大賑俾民以遠近就食未幾廣寇數千交迫

城而侯悉心經畫雜瑞金粟資儲時調三隘義兵為守制

賊攻城設奇應之賊買奸細內應密緝獲之賊計大沮侍

餘糧糧設而城內糧僅支數日乃密令壯士乘夜入賊營

連城縣志

卷三

十五

因風縱火火狂風烈官兵乘之新獲過半賊宵遁邑民

諸童志德傳時有謀而受者歛血飲於廟醉連舟或拾以

告劉劉以示志德德請以家口為質遂約諸父老各會

子弟之有名於冊者悉修之 張騰翼桑梓錄嘉靖四十

年廣寇復熾渠魁彭彭三鏡人也一日暮入杭轄等圍

夜偷過朗村直徑邑城攻圍三晝夜不已署邑劉節推急

機三隘義勇一鼓殺寇寇宵遁劉公中請度閩兩軍軍

始義民冠帶為千百長者五員總理隘務外過寇境內解

令築新泉湯背寨土圍四百餘丈 廣寇為亂鄉民請於道

百餘丈寇不能攻辛酉之後男子 府准在湯背築土圍四

背城一戰殲賊幾盡 棟桑梓錄 按張希周新泉寨城記 杭寇李三奴入境署縣劉公詳

請道府率眾修築羅袍賴賜搗境二次民憑以衛是築 城在辛酉禦寇不盡在辛酉也



汀抵河四賜受邦傑計新地及爵以傳詔賜邦傑  
六品冠帶康勝終其身劉初記云是時清流有羅村之寇  
遂進平清流永安諸賊永安後德有土樓之賊宗寅自  
回車調三伍兵以遠平之堂後德傳志從許邑侯  
靜東征嶺後大創之連破金村蓮花大陶等寨郭定忠  
秋服復會擄李家賊巢殺出難民以百數新泉義士張  
文慶等率鄉兵高計殲厥渠魁其堂舍畢三妹堡之寇  
邑以安桑梓錄黃輝有勇善戰嘉靖末大破九龍巖寨  
禽賊蘇阿普威聲丕著隆慶年奉度撫顧福撫何批示  
賞銀十兩給與通元禽寇有功各賞銀四兩黃輝功居最  
厚盜劉前許後鄉官劉津尚道軍前聽用據此則刑平  
兵之室力為多

穆宗隆慶四年庚午朋口新泉大水民居漂蕩損人口數  
百漂沒湯背土圍 是年藍橋賊倡亂通判毛撲滅之

連城縣志 卷三 十六

五年辛未縣令陳三俊築新泉北圍寨連上條林  
神宗萬曆二年甲戌大水環四廬甚多參梓錄  
四年丙子縣令郭鵬遷學宮於東門外志  
九年辛巳夏霜有虎患城西南火林府志  
十一年癸未邑令朱九卿清丈全邑田畝徐志四畝甚均民受其福  
十二年甲申復遷學宮於城內原址  
二十一年癸巳大旱  
二十二年甲午大饑竹生米居民取以療饑 縣令牛大  
緯建文峯塔

二十八年庚子八月地震  
二十九年辛丑金山祖廟燬大疫以上

三十年壬寅縣令徐大化遷南北二水閣後修湯背寨  
詳水利志 張希周新泉寨城記曰鄉有土寨始自正統  
間時葉宗留郭茂先復屠州郡有司扶閣與國知此  
地為盜賊出沒之衝故設寨為全汀鎖鑰也初築以土  
薄易塌嘉靖四十年秋寇李三大入境連營於湯背  
胡等響應連邑為之經略署縣劉公詳請道府車馬修  
為石為垣時則雖袍輻輳境二大民恐以衛全活宜多  
但事出位位匠作商率至隆慶庚午遂置於洪水百堵  
變亂不絕慘慘靡寧切望本寨之修恨無偶者邑大夫徐公  
屈梅斯邑加意保又念連地水沓兵燹之為民患也壬寅  
命不與修意願願馬不勞後步形勢踏勘故地遂於然

連城縣志 卷三 十七

老壯覺命謀乃事眾病土木禁與工費難鉅窮於思而  
於計族弟榮祖從堂弟律因官於眾曰而華惠寨之難  
以推為主丁次之民丁糧多寡灑派大尺而丁糧之中  
功何能自任每鍾者出錢召募商民得以應募而榮其  
林國棟吳丘茂細詳丈尺之繁簡內察與志之從連中  
三院道府皆蒙批允下吉與工由五月初五始事僅開  
旬而沿河大半屹然壁立即後山之後亦次第奏功矣  
周以事出不苟故條叙新末記之於右 見桑梓錄  
三十六年戊午洋池水紅如是月餘青木石枝之皆  
九月加增逾餉五毫又明年三月再加二毫總計本邑共  
兩四錢三分七釐 詳賦稅志